

ერთი მხრივ, საჯარო სამართლის იურიდიული პირი „საზოგადოებრივი მაუწყებელი“ (შემდგომში „შემსყიდველი“), წარმოდგენილი გენერალური დირექტორის მოვალეობის შემსრულებლის ნოდარ ჭიჭინაძის სახით,

და მეორე მხრივ, შეზღუდული პასუხისმგებლობის საზოგადოება „სუფთა წყალი“ (შემდგომში „მიმწოდებელი“), წარმოდგენილი დირექტორის ირაკლი კალმახელიძის სახით,

„სახელმწიფო შესყიდვების შესახებ“ საქართველოს კანონის 3(1) მუხლის „ს“ ქვეპუნქტის და სახელმწიფო შესყიდვების სააგენტოს თავმჯდომარის 17.08.2015წ. №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს 2(ა) მუხლის თანახმად, წინამდებარე ხელშეკრულების საფუძველზე თანხმდებიან შემდეგზე:

მუხლი 1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს წყლის დისპენსერებისათვის სასმელი წყლის (უაღკოპოლო სასმელები, კლასიფიკატორის კოდი №159 800 00) (შემდგომში „შესყიდვის ობიექტები“) შესყიდვა.
- 1.2. შესყიდვის ობიექტების აღწერილობა და განფასება:

№	შესყიდვის ობიექტების აღწერილობა	რაოდენობა	ერთეულის ფასი (ლარებში)	საერთო ფასი (ლარებში)
1	წყალი “ბინული” – 19 ლიტრიანი	100 ცალი	8.00	800.00
				სულ: 800.00 ლარი

მუხლი 2. ხელშეკრულების შესრულების კონტროლი

- 2.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ შესყიდვის ობიექტები, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან. შესყიდვის ობიექტების შემოწმების ადგილია შემსყიდველის იურიდიული მისამართი.
- 2.2. წინამდებარე ხელშეკრულების შესრულების კონტროლს ახორციელებს სსიპ „საზოგადოებრივი მაუწყებლის“ ადმინისტრაციის უფროსი თეონა ენუქიძე.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული შესყიდვის ობიექტების შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.
- 2.4. წინამდებარე ხელშეკრულების გაფორმებაზე უფლებამოსილი პირი და ასევე ხელშეკრულების შესრულებაზე პასუხისმგებელი პირი, წინამდებარე ხელშეკრულებაზე ხელმოწერით ადასტურებენ, რომ გაცნობილნი არიან „სახელმწიფო შესყიდვების შესახებ“ საქართველოს კანონს და მათი მონაწილეობა შესყიდვის განხორციელების პროცესში არ ეწინააღმდეგება აღნიშნული კანონის მე-8 მუხლის მოთხოვნებს.

მუხლი 3. შესყიდვის ობიექტების მიღება-ჩაბარების წესი

- 3.1. მიმწოდებელმა შესყიდვის ობიექტების შემსყიდველისათვის მიწოდება უნდა განახორციელოს 2017 წლის 31 დეკემბრამდე ეტაპობრივად შემსყიდველის მოთხოვნის შესაბამისად.
- 3.2. შესყიდვის ობიექტები ან მათი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ შედგენილი მიღება-ჩაბარების აქტის გაფორმების შემდეგ. შესყიდვის ობიექტების მიწოდების საბოლოო შემოწმების ადგილია შემსყიდველის იურიდიული მისამართი.

მუხლი 4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული შესყიდვის ობიექტის საერთო ღირებულება შეადგენს 800.00 (რვაასი) ლარს დღგ-ს ჩათვლით.

- 4.2. 4.1. პუნქტში მითითებული ფასის გადახდა ხორციელდება უნაღდო ანგარიშსწორების წესით.
- 4.3. ანგარიშსწორება ხორციელდება ეტაპობრივად *მიმწოდებლის* მიერ შესყიდვის ობიექტის მიწოდების შესახებ მხარეთა შორის გაფორმებული მიღება ჩაბარების აქტის გაფორმებიდან 10 (ათი) დღის განმავლობაში.

მუხლი 5. მხარეთა ვალდებულებები

- 5.1. *მიმწოდებელი* კისრულობს ვალდებულებას:
- 5.1.1. ხელშეკრულებით განსაზღვრულ ვადაში მიაწოდოს *შემსყიდველს* წინამდებარე ხელშეკრულების პირველ მუხლში მითითებული შესყიდვის ობიექტები;
- 5.1.2. *მიმწოდებელი* დროებით სარგებლობაში უსასყიდლოდ გადასცემს *შემსყიდველს* წყლის დისპენსერს და 19 ლ. მოცულობის ბოცებს.
- 5.1.3. შესყიდვის ობიექტების ნაკლის აღმოჩენისას მოახდინოს ნაკლის გამოსწორება თავისი ხარჯით.
- 5.1.4. უზრუნველყოს ხელშეკრულებით ნაკისრი ვალდებულებების დროულად და სრულად შესრულება.
- 5.2. *შემსყიდველი* კისრულობს ვალდებულებას:
- ა) გაუფრთხილდეს, დაიცვას მექანიკური დაზიანებისაგან დროებით სარგებლობაში გადაცემული ქონება და არ დაუშვას მათი გამოყენება “ბინულის” მარკის სასმელი წყლის გარდა სხვა სახის სითხისათვის;
- ბ) წინამდებარე ხელშეკრულების შესაბამისად დროულად და სრულად მოახდინოს *მიმწოდებელთან* ანგარიშსწორება.
- 5.2.1. *შემსყიდველის* მიზეზით დროებით სარგებლობაში გადაცემული ქონების მნიშვნელოვანი დაზიანების ან/და განადგურების შემთხვევაში, იგი აუნაზღაურებს *მიმწოდებელს* თითოეული დისპენსერისათვის – 380 ლარს, ხოლო თითოეული ბოცისათვის – 30 ლარს.

მუხლი 6. გარანტია

- 6.1. *მიმწოდებელი* კისრულობს ვალდებულებას გადასცეს *შემსყიდველს* უფლებრივად და ნივთობრივად უნაკლო შესყიდვის ობიექტები. შესყიდვის ობიექტების ხარისხი უნდა შეესაბამებოდეს ამ ტიპის საქონელზე მოქმედ სახელმწიფო ან საერთაშორისო სტანდარტებს.
- 6.2. *მიმწოდებელი* იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული და იმუშავებს სრულიად გამართულად.
- 6.3. თუ საქონლის მიღებისას გამოძღავენდება საქარხნო დეფექტი, *მიმწოდებელი* იღებს ვალდებულებას, შეცვალოს დეფექტური საქონელი ახლით 5 (ხუთი) სამუშაო დღის განმავლობაში.

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

- 7.1. *მიმწოდებლის* მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, *შემსყიდველი* უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით.
- 7.2. *შემსყიდველის* მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, *მიმწოდებელი* უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის.
- 7.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

მუხლი 8. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის 10 თებერვლის ჩათვლით.

მუხლი 9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების

პირობების შეუსრულებლობა ან დარღვევა და არ გამოიწვევს საჯარო სანქციების გამოყენებას.

- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

მუხლი 10. დავათა განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 11. ზოგადი დებულებები

- 11.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 11.2. ხელშეკრულებაში ცვლილებები და დამატებები შეიძლება შეტანილ იქნას ორივე მხარის წერილობითი შეთანხმების საფუძველზე.
- 11.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 11.4. ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან თითო გადაეცემათ მხარეებს.

მუხლი 12. მხარეთა რეკვიზიტები და ხელმოწერები

შემსყიდველი

მიმწოდებელი

სსიპ

„საზოგადოებრივი მაუწყებელი“

შპს „სუფთა წყალი“

მის.: ქ. თბილისი, კოსტავას ქ. №68
საიდენტიფიკაციო კოდი: 204 858 163

მის.: ქ. თბილისი, ზ. ფალიაშვილის ქ. №118
საიდენტიფიკაციო კოდი: 205 150 655

დაფინანსების წყარო – საკუთარი
სახსრები
სახელმწიფო ხაზინა
ხაზინის ერთიანი ანგარიში
კოდი: TRESGE22

საბანკო რეკვიზიტები:
სს „საქართველოს ბანკი“
ანგ. № GE13 BG00 0000 0129 7664 00
ბ/კოდი: BAGAGE22

გენერალური დირექტორის
მოვალეობის შემსრულებელი

დირექტორი

ნოდარ ჭიჭინაძე

ირაკლი ჯაფარიძე